



Молебен о победе в войне

Благословен Бог наш:

Чтец: Слава Тебе, Боже наш, слава Тебе.

Царю Небесный: Трисвятое по Отче наш. Приидите, поклонимся: (трижды).

Псалом 142

Господи, услыши молитву мою, вступи моление мое во истину Твою, услыши мя в правде Твоей и не вниди в суд с рабом Твоим, яко не оправдится пред Тобою всякий живый. Яко погна враг душу мою, смирил есть в землю живот мой, посадил мя есть в темных, яко мертвые века. И уни во мне дух мой, во мне смятеся сердце мое. Поману дни древния, поучихся во всех делех Твоих, в творениях руку Твою поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь воныже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава, и ныне.

Аллилуия, аллилуия, аллилуия, слава Тебе, Боже. (Трижды)

Мирная ектения:

Миром Господу помолимся.

О свышнем мире, и спасении душ наших, Господу помолимся.

О мире всего мира, благостоянии святых Божиих церквей, и соединении всех, Господу помолимся.

О святем храме сем, и с верою, благоговением и страхом Божиим входящих вонь, Господу помолимся.

О православном епископстве Русския Зарубежныя Церкви, о господине нашем Высокопреосвященнейшем митрополите Агафангеле, первоиерарсе Русския Православныя Церкви Заграницей, о господине нашем Преосвященнейшем [архиепископе, или епископе, имярек, егоже область], честнем пресвитерстве, во Христе диаконстве, о всем причте и людех, Господу помолимся.

О страждущей стране нашей и православных людех ея, во отечестве и разсеянии сущих и о спасении их, Господу помолимся.

О еже низвергнути богомерзкое еретическое царство и власть, на ны движимыя, и очистити землю людей Своих от нечестия их, и православным предати, Господу помолимся.

О еже избавити люди своя от нашествия безбожных и еретиков, и всех брани хотящих человек, победу нам на супостаты даруя, в нас же утвердити единомыслие, братолюбие и благочестие, Господу помолимся.

О еже непомянуги грехи и беззакония наша, но милостиву нам быти, недостойным рабом Своим в бедáх сущим, и избавити нас от врагов наших, Господу помолимся.

О еже подати силу и крепость православным христианом, и мужественное и храброе сопротив всякаго врага и супостата всегда показати, и рабом Своим мир и утверждение, и от всех бед и нужд, и вражиих наветов скорое освобождение даровати, Господу помолимся.

О еже не предати нас в попрание и разорение врагом и супостатом, но в бегство все дерзновение их претворити, силу их сокрушити, и под ноги верных Своих покорити, Господу помолимся.

О еже неослабну, непребориму, победительну же силу, крепость, и мужество с храбростию христоименитому воинству нашему, на сокрушение врагов наших подати, Господу помолимся.

О еже пременити всю скорбь и сетование наше на радость и веселие, войну же в твердый мир обратити, и Церковь нашу непребориму от всех вражиих наветов всегда сотворити, Господу помолимся.

О еже умирити Церковь Свою святую, и невредимую и непоколебимую соблюсти от всякаго злаго обстояния всех сопротивных апостат, Господу помолимся.

О еже мир и славу вселити в земли нашей, искоренити вся ереси и отступления, и насадити всюду благочестие и правоверие, Господу помолимся.

О еже обратити всех отступльших и заблудших от истины, к познанию православныя веры, и сопричтити их избранному Своему стаду, Господу помолимся.

О еже неослабну, непребориму, победительну же силу, крепость и мужество с храбростию православным христианам на сокрушение врагов и супостат наших и всех хитрообразных их наветов, подати, Господу помолимся.

О еже студа и безчестия лица противящихся нам исполнити, сердце их страха и ужаса, и Ангел Господень да будет погоняяй и поражаяй их, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй, и сохрани нас Боже, Твоею благодатию.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Возглас: Яко Ты еси крепость и утверждение людем Своим, и Тебе подобает всякая слава честь и поклонение, Отцу и Сыну и Святому Духу, ныне и присно, и во веки веков. Аминь.

"Бог Господь", глас 1-й.

Бог Господь и явися нам, благословен Грядый во имя Господне.

стих 1: Исповедайтесь Господеви, яко благ, яко в век милость Его.

стих 2: Обышедше обыдоша мя и именем Господним противляхся им.

стих 3: Не умру, но жив буду и повем дела Господня.

стих 4: Камень, егоже небрегоша зиждущии, сей бысть во главу угла, от Господа бысть сей и есть дивен во очесех наших.

Тропарь, глас тойже:

Спаси, Господи, люди Твоя и благослови достояние Твое, победы православным христианам, на сопротивныя даруя, и Твое сохраняя Крестом Твоим жительство.

Слава, и ныне. Богородичен:

Предстательство страшное и непостыдное не презри, Благая, молитв наших, всепетая Богородице: утверди православных жительство, спаси христаименитых людей, подаждь им с Небесе победу, зане родила еси Бога, едина Благословенная.

Канон, егоже припев: Многомилостиве Господи, сокруши врагов под ноги наша.

Слава, и Ныне.

Катавасия по каждой песни: Избави от бед рабов Твоих, Милостиве, яко мы усердно к Тебе прибегаем, к Милостивому Избавителю, всех Владыце, Господу Иисусу.

Премудрость, вонмем, Прокимен, глас 4:

Господь крепость людем своим даст, Господь благословит люди Своя миром.

Стих: Принесите Господеву, сынове Божи, принесите Господеву сыны овни.

К Коринфянам послание Апостола Павла чтение. зач. 172 (2Кор 2.14-16).

Братие, Богу благодарение, всегда победители нас творящему о Христе Иисусе, и вою разума Его являющу нами во всяком месте. Яко Христово благоухание есмы Богови, в спасаемых и в погибающих. Овем убо воня смертная в смерть: овем же воня животная в живот. И к сим кто доволен? Царю же веков нетленному, невидимому, единому, премудрому Богу, честь и слава во веки, аминь.

Иерей: Мир ти.

Чтец: И духови твоему.

Премудрость, прости услышим Святаго Евангелия. Мир всем.

Лик: И духови твоему.

От Матфея Святаго Евангелия чтение.

Лик: Слава Тебе, Господи, слава Тебе.

Вонмем.

Евангелие от Матфея, зач. 20 от полу (7.7-11).

Рече Господь: просите и дастся вам; ищите и обрящете; толцете, и отверзется вам. Всяк бо просяй приемлет, и ищяй обретает, и толкущему отверзется. Или кто есть от вас человек, егоже аще воспросит сын его хлеба, еда камень подаст ему? Или аще рыбы просит, еда змию подаст ему? Аще убо вы лукави суще, умеете даяния блага даяти чадом вашим: кольми паче Отец ваш Небесный даст блага просящим у Него.

Лик: Слава Тебе, Господи, слава Тебе.

Сугубая ектения:

Помилуй нас, Боже, по велицей милости Твоей, молимся Тебе, услыши и помилуй.

лик: Господи, помилуй (трижды).

Не на силу нашу уповаем, ни оружие наше спасет нас, Господи, но Твоя всемогущия помощи просим, и на Твою силу дерзающе, на враги наша ополчаемся, и имя Твое верно призываем: со умилением молим Тебя, Господи, милостивно услыши и помилуй.

Во веки пребываяй, Милосерде Господи, запрети языкам, в достояние Твое приходящим, и оскверняющим Церковь Святую Твою, пожени их бурю Твоею, и гневом Твоим смути их: исполни лица их безчестия,

да постыдятся и смутятся в век века, да посрамятся, и силою судеб Твоих гордость их да сокрушится, имя же Твое да прославится в нас, прилежно молимся Тебе, услыши и помилуй.

О еже услышати от Церкви Святыя Своея вопль и воздыхание единовѣрных наших, и от врагов и супостат порабощенных рабов Своих, в печали и скорби своей к Тебе вопиющих, и извести от тления жизнь их, прилежно молимся Тебе, Господи, услыши и помилуй.

Защитниче правоверных, послѣ стрелы Твоя, Господи, и смятение сотвори врагам нашим, блесни молнія, и разжени их: послѣ руку Твою свѣше, и покори их, и в руки верных предаждь, молимся Тебе, услыши и помилуй.

Во веки пребываяй, Милосерде Господи, запрети нашествію безбожных и еретиков в достояніе Твое приходящим: пожени их бурей Твоею, и гневом Твоим смути их, исполни лица их безчестія, да постыдятся и смятутся в век века, да посрамятся и гордость их да сокрушится, имя же Твое святое да прославится в нас, прилежно молимся Тебе, услыши и помилуй.

О еже непреоборѣму и победѣтельному всегда над враги быти правоверному воѣнству, и мир и славу утвердѣти в земли нашей, прилежно молимся, Господи, услыши и помилуй.

Возглас: Услѣши ны, Бѣже, Спасѣтелю наш, упованіе всех концѣв землѣи, и сущих в мѣри далѣче, и мѣлостив, мѣлостив бѣди, Владыко, о гресѣх наших, и помѣлуй ны: Мѣлостив бо и Человеколѣбец Бог еси, и Тебѣ славу возсылаем, Отцу, и Сыну, и Святому Духу, ныне и прѣсно, и во вѣки вѣков.

И по возглашеніи: Со умиленіем паки и паки (преклонѣше колена), Господу помолимся.

Лик: Аминь.

Господу помолимся.

Лик: Господи, помилуй.

Молитва ко Господу нашему Иисусу Христу, в нашествіи супостатов

Господи Боже Сил, Боже спасенія нашего, Боже, творяй чудеса един, прѣзри ныне в мѣлости и щедротах на смиренныя люди Твоя: и услѣши, и пощади, и помѣлуй нас: се бо вразѣ наши собращася на ны, еже расторгнути и погубѣти нас и святыни наша. Ты вѣси, еже они на нас помышляют, и яко не можем мы противостати множеству их, аще не Ты поможеши нам. Но яко при Моисеи, еврейстии людие

услышавше словеса Твоя, им реченная: дерзайте, стойте, и узрите спасение от Господа, укрепившася, рцы и о нас сия. И востани на помощь нашу, яви силы Твоея непобедимое оружие, и употреби против востающих несправедно на ны, и хотящих изгнати нас от одержания нашего, еже дал еси нам во прежних наших. Подаждь рабом Твоим дерзновение и крепость, силу и мужество: укрепи оружие воинства нашего, и препояши их силою на брань. Рцы души нашей: спасение твое есмь Аз, да постыдятся и посрамятся ищущие душ наших, да возвратятся вспять, и постыдятся мыслящие нам злая! Да будут пред лицем верного Ти воинства, яко прах пред лицем ветра, и Ангел Твой сильный да будет оскорбляя и погоняя их: да уловит их сеть юже не ведают, и ловитва юже скрыша да обымет их, да падут под ногами рабов Твоих, и в поправление воем нашим да будут! Ей Господи Боже Спасителю наш, крепосте, и упование, и заступление наше, не помяни беззаконий и неправд людей Твоих, и не отвратися гневом и яростию от нас: но в милости, и щедротах Твоих, яко Благ, посети верныя рабы Твоя, и подаждь воинству нашему на Тя уповающему, победу на враги, якоже Моисею на Амалика, Гедеону на Мадиама, и Давиду на Голиафа, и иным многим рабом Твоим, не на оружия своя, но на Тебе истинного Бога, спасти могущаго уповающим, преславныя одоления и победы даровал еси. И убо якоже Авраам, и Иосиф, Финеес, и Иисус, Илия, Анания, Азария, Мисаил, Даниил, и прочии от рода до рода угодницы Твои, во искушениях, скорбех, бедах же и теснотах, на Тебе и на милость Твою щедрую уповающе, не ослабеша, иже не точию не оставлени быша, но паче и преславно прославишися. И мы грешнии и недостойнии рабы Твои ничтоже благое пред очима Твоима сотворшии, на щедроты Твоя уповаем, ведуще, яко не в оружии благоволиши, но в боящихся Тебе, и на милость Твою уповающих! Тебе боимся, и в Тебе все упование наше возлагаем, к Тебе прибегаем, Тебе припадаем, к Тебе руце наши возносим, и Тебе смиренно в покаянии молимся: помози нам Боже Спасителю наш славы ради имени Твоего, и избави нас имени ради Твоего святого, да не когда рекут вразі наши: Бог оставил есть их, и несть избавляя и спасаая их: но Ты истинный Господи Боже наш в Негоже веруем, и на Него уповаем, не посрами нас, ожидающих милость Твою, и сотвори знамение во благо, яко да видят ненавидящие нас, и православную веру нашу, и посрамятся, и погибнут: да уведят вся народы, яко имя Тебе Господь,

и мы лю́дие Твои. Яви нам Господи ныне милость Твою, и спасение Твое даждь нам: возвесели сердце рабов Твоих о милости Твоей: порази враги наша, и сокруши их под ноги верных Твоих вскоре: обрати в страх и бегство нечестивое их и неправедное дерзновение: и даждь рабом Твоим во мно́зем дерзновении, и силе, и мужестве погнати и постигнуть их, и о имени Твоем победити и погубити их. А имже суди́л еси положи́ти на бра́ни души своя за веру и оте́чество, тем прости согрешения их, и в день пра́веднаго возда́ния Твоего возда́й венцы нетления. Ты бо еси заступление и помощь, и победа уповающим на Тя: и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

Премудрость. Пресвятáя Богоро́дице, спаси́ нас.

Честнѣйшую Херувим/ и сла́внейшую без сравне́ния Серафим,/ без истлѣния Бо́га Сло́ва ро́ждшую,// сущую Богоро́дицу Тя велича́ем.

Сла́ва Тебе́, Христé Бо́же, Упова́ние на́ше, сла́ва Тебе́.

Сла́ва, и ны́не. Го́споди, помилуй (трижды). Благослови́.

Отпуст: Христос, истинный Бог наш, молитвами Пречистыя Своея Матери, Архистратига Божия Михаила и прочих всех Небесных Сил безплотных, силою Честнаго и Животворящаго Креста; святых славных и всехвальных апостолов; и святых великомучеников Георгия, Димитрия, Прокопия, Феодора Стратилата и Тирона, святых воинов Великаго князя Киевскаго Александра Невскаго и Илии Муромца, угодника Киево-Печерскаго, и всех святых Своих, помилует и спасет нас, яко благ и человеколюбец. Аминь.

Молитва ко Пресвятей Богородице о воинах, на поле брани сущих

Пресвятая Богородице, теплая наша Заступнице и Спасение всем, призывающим Тя! Не имамы иныя помощи, разве Тебе, Владычице, Ты бо еси едина надежда и упование наше. Не презри слез наших и не отрини усердных молений, но спаси от смерти и от бед сохрани воинов наших *[имярек]*, на поле брани сущих. Укрепи их дух, утверди в заповедех Сына Твоего, умножи в них веру, просвети ум, даждь мужество во бранех, да, непорочно исполнивше ратное служение, целы и невредимы возвратятся в дома своя и прославят пресвятое имя Отца и Сына и Святаго Духа и Твое милостивное заступление. Аминь.

Молитва матери ко Пресвятей Богородице о воине, на поле брани сущем

К кому возопию, Владычице, кому повем скорбь сердца моего, аще не Тебе, Царице Милосердая? Душа моя смятется и уны дух мой, но скоро услыши молитву мою, веру укрепи, терпением огради и благою надеждою оживи. Пресвятая Богородице, Дево Чистая! Заступи, сохрани, покрый милостию Твоею чадо мое, воина *[имярек]*, на поле брани сущаго, утверди его в вере истинней, огради от злобы врагов видимых и невидимых, сохрани его цел и невредима, подаждь силу ратное свое служение, яко крест, безпорочно понести и паки его в дом отчий возврати. Аминь.

Молитва ко Господу нашему Иисусу Христу о войне, на поле брани ураненном

Господи, Иисусе Христе Боже наш, молитвами Всепречистыя Владычицы нашае Богородицы и Приснодевы Марии, силою честнаго и животворящаго Креста, представством честных небесных Сил бесплотных, святых врачей и целителей: апостола и евангелиста Луки, святых чудотворцев и безсребренников Кира и Иоанна, Космы и Дамиана, святого великомученика Пантелеимона и Ермолая, преподобнаго Агапита Печерского, святителя Спиридона Тримифунскаго, исцели воина Твоего *[имярек]*, на поле брани ранами уязвленнаго, утеши его надеждою на Тя и верою Православною укрепи. Услыши, Господи Человеколюбче, воздыхания сродник его. Да, восстав от одра болезни, послужит и поработает Тебе до скончания жизни своей и прославит Тя, исцеляющаго и врачующаго вся, со Отцем и Святым Духом. Аминь.

Молитва матери ко Пресвятей Богородице о исцелении воина, на поле брани ураненнаго

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой слезный и воздыхание мое примет, аще не Ты, Мати Божия, Заступнице и Прибежище во всех бедах нам грешным? Услыши вопль мой, Всемилосердая Целительнице, яко умножишася скорби сердца моего, и яви милость Свою на одре болезни возлежащему и раною уязвленному, чаду моему воину *[имярек]*, исцели его тяжкия душевныя и телесныя болезни, и воздвигни от одра немощи целая и всесовершенна, да воспеваает Твое теплое заступление. Аминь.

Молитва матери (сродников) ко Пресвятей Богородице о избавлении в пленении сущих

О, Всепетая Богородице, всех скорбящих Радосте и обидимых Заступнице! Услыши молитву мою, прошения моего не отрини и помилуй чадо мое (отца моего, мужа моего), воина *[имярек]* в пленении сущаго! Сохрани его целая и невредима, огради его от злобы пленивших его и не даждь ему убиену быти от рук их, веру истинную в нем укрепи и скоро тяжкаго пленения избави, да в разуме воспеваает Тя, Царице Небесная, и Сына Твоего, Господа нашего Иисуса Христа, со Безначальным Его Отцем и Пресвятым и Благим и Животворящим Его Духом во веки веков. Аминь.

Молитва ко святым о избавлении воинов [воина], в пленении сущих [сущем]

Преблагеннии и богоноснии избранницы Христовы: многосветлая звездо, Крестителю и Предтече Спасов Иоанне; святителю предивный и милостивый, великий чудотворче Николае; святой великомучениче и скорый плененных свободителю, Победоносче Георгие; великая в женах Анастасие Узорешительнице и вси святии! Молим вас мы, недостойнии: укрепите воинов [воина] *[имярек]*, в пленении сущих [сущаго], от уз вражиих их [его] избавите, всякаго злаго обстояния свободите и на спасения стези направите, да, в дома своя возвратившеся, прославят [дом свой возвратився, прославит] Истиннаго Бога, Отца и Сына и Святаго Духа и ваше милостивое представительство во веки веков. Аминь.

Молитва ко Пресвятей Богородице о воинах, без вести пропавших

О, Всесвятая Владычице Богородице, Взыскание погибших, странных Питательнице и заблуждших Путеводительнице! Воина *[имярек]*, о немже не имамы извещения покрый честным Твоим омофором, сохрани от всех напастей вражиих, избави пленения и лютыя смерти, от отчаяния огради, да с благодарением и любовью воспеваает Твое теплое заступление. Аминь.